

نورك لاح بالأتراح يا قوس الفجيعه دمعاتي تفيضن دم يهلال الكدر والههم

* * * *

ذايب شوگ	بس مخنوگ	لمن شفتك بحمّره
أحس آه	تطلع آه	وزفرة تتبع الزفره
دمع العين	بالخدين	بيّ تشتعل حسره
والمجروح	مثلي أينوح	ويواسي ضنى الزهره

بالآهات والونات والمهجه الصديعه كلامي استقبل محرم يهلال الكدر والههم

* * * *

قوسك ثار	بيّ افكار	ما أحصياها ما تعدد
صورة موت	راسي نفوت	ونحر أعلى الثرى توسد
دمع ايتام	حرك اخيام	وسوط أعلى المتن يمتد
أطبگ عين	وحسّ البين	مشهد أقسى من مشهد

سرب هموم حتى النوم جفني ما يطيعه حزني اعلى الكلب حوم يهلال الكدر والههم

* * * *

عيني تشوف	بيك اطيوف	چفين الكمر لزهـر
يـم لفـرات	ظامي بات	وجوده اعلى الثرى مطشر
جـاه حـسين	دامي العين	يسعى وساعه يتعثر
محني الروح	حزنه يبوح	بكليبه الجمر يسعر

ظل ينعاه حسره وآه ياليث الشريعه وعاد بحزنه لمخيم يهلال الكدر والههم

* * * *

* * * *

آه يهـلال شكد أهوال مَنّاك والله تفجعنّه
قوسسـاك لاح مثل أرماح طعنه في أثر طعنه
ليت تغيب كبل اتصيب زينب مَنّاك بمحنه
وتسحب ذيل تالي الليل والأيتام أيمسـكنّه

من أتشوف في لطفوف لجساد الصريعه
وبالتل تنصب الماتم يهلال الكدر والهم

نور يموع چنه اشموع عريس الأسى جسام
زفة موت ورجفة صوت أسمعها وسط لخيام
دم حنااه من أحشاه معرس زفته الأيتام
ظل مطروح يمه تتوح رمله والدمع سجام

ضاع الراي آه يلـواي يا عمري وربيعه
حلم وصابه لماتم يهلال الكدر والهم

فكري جال آه يهـلال وشفتك بالنحر نبله
وعبـدالله منّاك آه يتصوب على غفله
شك لگمـاط وهز ابساط تفحص بالألم رجله
والمظـلوم دمعه دموم ينظر شلجری بطفله

للخيمات بالزفرات وببيدنيه رضـيعه
عود حـاير ومغتم يهلال الكدر والهم